



Broj: 06-11-3686-5/22
Ilidža, 14.07.2022. godine

18

13797

Na osnovu člana 69. stav (2) tačka d) Zakona o javnim nabavkama Bosne i Hercegovine („Službeni glasnik BiH“, broj 39/14) donosi se:

O D L U K A O PONIŠTENJU POSTUPKA JAVNE NABAVKE 81/22

I

Poništava se postupak javne nabavke JN 81/22 „Izrada Glavnog projekta „Centar za komunalne usluge- rekonstrukcija i opremanje postojećih prostora u objektu JU KSIRC, Ilidža, ul. Mala aleja br. 67“, iz razloga jer jedina od primljenih ponuda nije prihvatljiva.

II

O b r a z l o ž e n j e

Na osnovu odluke o pokretanju postupka broj 06-11-3686-1/22 od 21.06.2022. godine i obavještenja o nabavci broj 888-7-2-186-3-127/22 od 24.06.2022. godine, pokrenut je konkurentski zahtjev za JN 81/22 „Izrada Glavnog projekta „Centar za komunalne usluge- rekonstrukcija i opremanje postojećih prostora u objektu JU KSIRC, Ilidža, ul. Mala aleja br. 67“.

Za predmetni postupak zaprimljena je 1 (jedna) ponuda i to:

1. Bosna Inžinjeri d.o.o., ul. Koševo br. 11/I, Sarajevo čija cijena ponude bez PDV-a iznosi 2.600,00 KM.

Nakon pregleda i analize jedine zaprimljene ponude utvrđeno je da ista ne ispunjava uslove propisane Tenderskom dokumentacijom te je ocijenjena kao neprihvatljiva.

Naime, tačkom 2.3 Tenderske dokumentacije propisano je da ponuđač mora imati u stalnom radnom odnosu najmanje jednog diplomiranog inženjera sa položenim stručnim ispitom i 5 godina rada u struci. Kao dokaz o ispunjavanju navedenog uslova (tačka 2.3.1 Tenderske dokumentacije) traženo je dostavljanje diplome i uvjerenja o položenom stručnom ispitu za lice iz tačke 2.3 tenderske dokumentacije kao i dokaz da se ta osoba nalazi u stalnom radnom odnosu kod ponuđača (listing osiguranih lica ne stariji od 3 mjeseca računajući od krajnjeg roka za dostavu ponude- izdaje nadležna Porezna uprava).

Ponuđač je dostavio diplomu i uvjerenje o položenom stručnom ispitu za diplomiranog inženjera arhitekture na ime Žilić Jusuf, te Uvjerenje o podacima registrovanim u matičnoj evidenciji Federalnog zavoda za penzijsko/mirovinsko i invalidsko osiguranje- Kantonalna administrativna služba Sarajevo izdato dana 05.06.2020. godine za imenovanog inženjera.

Obzirom da je ponuđač propustio da dostavi dokaz da ima u stalnom radnom odnosu diplomiranog inženjera odnosno propustio je da dostavi traženi listing osiguranih lica ne stariji od 3 mjeseca računajući od krajnjeg roka za dostavu ponude koji izdaje nadležna Porezna uprava, njegova ponuda je ocijenjena kao neprihvatljiva.


Na osnovu navedenog Komisija za javne nabavke je predložila općinskom načelniku donošenje Odluke o poništenju postupka javne nabavke u skladu sa članom 69. stav (2) tačka d) Zakona o javnim nabavkama BiH.

Imajući u vidu navedeno odlučeno je kao u dispozitivu.



POUKA O PRAVNOM LIJEKU

Protiv ove Odluke može se izjaviti žalba u roku od 5 (pet) dana od dana prijema Odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.



OPĆINSKI NAČELNIK

Nermin Muzur, magistar uprave

DOSTAVLJENO:

1. Bosna Inženjering d.o.o., ul. Koševo br. 11/I, Sarajevo
2. Stručna služba za zajedničke poslove (za objavu na web)
3. Služba za razvoj, komunalne poslove i puteve
4. Služba za finansije
5. Stručna služba- Kabinet općinskog načelnika
6. a/a

